

Otvorena INFO-TAČKA za mlade

Autor Rejan Igor

Ponedjeljak, 11 Oktobar 2010 22:35

U prostorijama SPAJALICE 30. septembra u 12 sati sa radom je počela info-tačka za mlade. Otvorenju su između ostalih prisustvovali i: predsjednica SOS Kinderdorfa, koordinator info-tačke u SOS-u, Aida Lušničkić i Amra Bojičić u svojstvu predstavnica Općine Ilidža, predstavnici/ce nekoliko osnovnih i srednjih škola za područja Ilidže, te predsjednik Udruženja KULT Jasmin Bešić.

Info-tačka je dio zdravstvenog projekta GTZ-a, gdje vršnjački/e edukatori/ce pružaju informacije svojim vršnjacima/kinjama.

Najveći dio informacija odnosi se na seksualno i reproduktivno zdravlje, sa mnoštvom brošura, letaka, CD-ova, kao i kontraceptivnih sredstava, koje mladi besplatno mogu dobiti.

Sastavni info dio tačke je i računar koji sadrži mnoge informacije za date teme, koji se mogu dalje koristiti, ali također i besplatno ištampati.

.

Vršnjački/e edukatori/ce koji su otvorili info-tačku istakli su da će u određenim terminima vršnjački/e edukatori/ce biti dostupni za razgovor i pomoć mladima koji je posjete. Osim toga istakli su i mogućnost ostavljanja anonimnih pitanja, koja nakadno bivaju odgovorena i postavljena na vidno mjesto.

Podršku ovom projektu dali su Općina Ilidža, te Dom zdravlja Ilidža. Osim lokalnih struktura projekt je podržan i od svih ministarstava obrazovanja i zdravstva u BiH.

U budućem periodu bit će također organizirane vršnjačke edukacije po školama sa područja Općine.

